

**EMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KEDUA,
PARLIMEN KEEMPAT BELAS**

PERTANYAAN : LISAN

DARIPADA : TUAN WONG KAH WOH [IPOH TIMUR]

TARIKH : 21 OKTOBER 2019 (ISNIN)

SOALAN NO. 3

Minta **MENTERI PENDIDIKAN** menyatakan statistik berkenaan dengan deposit SSPN-i pada tahun 2019 berbanding dengan tahun-tahun sebelum ini. Bagaimana dana SSPN-i ini dilaburkan semula untuk memastikan satu pulangan yang baik kepada para pendeposit.

JAWAPAN

Tuan Yang di-Pertua,

Untuk makluman Ahli Yang Berhormat, prestasi deposit SSPN-i bagi tempoh bulan Januari sehingga September 2019 adalah sebanyak **empat ratus tujuh puluh lima persepuluh enam juta ringgit (RM475.6 juta)** berbanding sebanyak **empat ratus persepuluh tujuh juta ringgit (RM400.7 juta)** untuk tempoh yang sama bagi tahun 2018 dan **dua ratus enam puluh tiga persepuluh tiga juta ringgit (RM263.3 juta)** untuk tahun 2017.

Pada masa yang sama PTPTN juga mempunyai produk SSPN-i Plus yang dilancarkan pada tahun 2015. Prestasi deposit SSPN-i Plus juga menunjukkan trend peningkatan. Bagi tempoh bulan Januari sehingga September 2019 adalah sebanyak **seratus enam juta ringgit (RM106 juta)** berbanding **lapan puluh enam juta ringgit (RM86 juta)** untuk tempoh yang sama bagi tahun 2018 dan **tiga puluh satu persepuluh enam juta ringgit (RM31.6 juta)** untuk tahun 2017.

NO. SOALAN: 3

Pada masa kini, instrumen pelaburan yang dibolehkan untuk PTPTN melabur adalah berbentuk pelaburan jangka pendek dan sederhana di pasaran wang tempatan sahaja.

Berdasarkan prestasi pelaburan sedia ada, PTPTN berupaya untuk menyediakan kadar dividen sebanyak empat (4) peratus atau lebih setahun secara konsisten kepada pendeposit untuk tempoh lima tahun terkini iaitu 2014 hingga 2018.

Sekian, terima kasih.